

全唐詩話



全

唐

詩

話

尤
表
撰

中
華
書
局

叢書集成初編

全唐詩話

中華書局出版發行

(北京王府井大街三十六號)

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

此據津逮秘書本
影印初編各叢書
僅有此本

序

余少有詩癖歲在甲午奉
祠湖曲日與四方勝游專
意吟事大槩與唐人詩誦
之尤習間又褻話錄之纂
記益朋友之見聞彙而書
之名曰全唐詩話未幾驅
馳于外此事便廢邇來三
十有八年矣今又蒙恩便
養湖曲因理故篋復得是

編披覽慨然恍如疇昔浩
歌縱談時也唐自貞觀來
雖尚有六朝聲病而氣韻
雄深駿駿古意開元元和
之盛遂可追配風雅迨會
昌而後刻露華靡盡矣往
往觀世變者於此有感焉
徒詩云乎哉咸淳辛未重
陽日遂初堂書

全唐詩話目錄

卷一

太宗	高宗
中宗	玄宗
德宗	文宗
宣宗	昭宗
武后	徐賢妃
上官昭容	孔紹安
虞世南	魏徵
李百藥	長孫無忌
王勃	馬周
李義府	杜淹
蘇味道	駱賓王
陳子昂	李日知
李景伯	崔融
李適	徐彥伯

李嶠 蘇頌

沈佺期 李行言

張元一 劉希夷

張敬忠 張說

宋璟 王灣

姚崇 趙仁獎

金昌緒 張九齡

王維 王綰

賀知章 李嘉祐

張均 王涯

孟浩然 陶悅

王昌齡 李清

韓偓 王之渙

卷二

劉長卿 章八元

韋應物 朱放

全唐詩話 目錄

李沁	暢當	楊炎	裴度
皇甫冉	皇甫曾	韓愈	張籍
秦系	顧況	李道昌	陸楊
朱絳	楊志堅	李翔	劉义
劉方平	戎昱	楊巨源	歐陽詹
柳郴	薛昇	袁高	闕濟美
元載	楊郾伯	裴交泰	劉憲
梁銓	戴叔倫	元稹	白居易
于鵠	李益	卷三	
耿偉	盧綸	牛僧孺	李紳
韓翃	錢起	劉禹錫	陳潤
司空曙	崔峒	賈島	李正封
李端	冷朝陽	崔護	張又新
竇叔向	竇常	柳公權	陸鴻漸
竇華	常建	章孝標	施肩吾
李約	陳通方	孟簡	張肅遠

許康佐	張南史	鄭還古	裴休
徐凝	令狐楚	薛宜僚	九老會胡杲
張仲素	郎士元	吉皎	劉真
于良史	舒元興	鄭據	盧真
李賀	柳宗元	張渾	白居易
邵真	李宣遠	卷四	
王建	朱灣	項斯	滕邁
蘇郁	韋丹	裴思謙	廖有方
王播	周匡物	姚合	宋雍
劉言史	劉猛	段文昌	劉郁伯
李餘	李涉	陳彥博	郭良驥
劉昭禹	孫昌胤	崔駸	唐球
嚴休復	朱慶餘	白敏中	魏扶
楊虞卿	楊汝士	馬植	崔鉉
張志和	嚴維	裴夷直	楊敬之
李播	李德裕	喻兒	楊衡

王彥威	繁知一	高蟾
雍裕之	張祐	卷五
李商隱	劉得仁	于武陵
王智興	馬戴	劉魯風
鄭顥	李群玉	汪遵
溫庭筠	王起	滕倪
丁陵	黃頤	李廓
鄭畋	李彥征	曹鄴
劉威	崔郊	張林
來鵬	杜牧	章碣
許渾	雍陶	衛準
李遠	趙嘏	秦韜玉
韋承貽	段成式	翁承贊
韋蟾	李敬方	盧延遜
李郢	李洞	張爲
長孫翺	崔魯	曹松
		杜荀鶴
		李頻
		褚載
		盧渥
		費冠卿
		薛能
		聶夷中
		崔塗
		方干
		司空圖
		高駢
		皮日休
		裴說
		韓偓

鄭紫	錢珣	范攄之子	鄭雲叟
嚴惲	王洙	僧子蘭	僧靈澈
張曙	翁綬	僧壹一	僧清江
袁皓	李濤	僧廣宣	僧法振
王祝	韋莊	僧皎然	僧文秀
吳融	公乘億	僧棲白	僧懷濟
羅鄴	羅隱	僧可朋	僧雲表
許棠	張嬭	僧貫休	僧齊已
鄭谷	溫憲	僧西蟾	僧清塞
李昌符	李山甫	僧文益	僧修睦
鍾離權	張道古	僧景雲	僧可止
胡曾	伍唐珪	僧卿雲	僧處默
韓定辭	同谷子	僧澹交	僧若虛
沈彬	周朴	僧曇威	僧懷滿
孫魴	王易簡	僧慕幽	僧尚顏
		開元宮人	崔氏

劉氏

薛媛

李季蘭

如意中女子

魚玄機

傳宗宮人

張建封妓

女郎宋若照

女郎張窈窕

女郎劉媛

鶯鶯

不知名

權能褒

全唐詩話卷之一

明海虞毛晉子晉訂

太宗

貞觀六年九月帝幸慶善宮帝生時故宅也因與貴臣宴賦詩起居郎請平宮商榷之管絃命曰功成慶善樂使童子八佾爲九功之舞大宴會與破陣舞偕奏於庭

帝嘗作宮體詩使虞世南庾和世南曰聖作誠工然體非雅正上有所好下必有甚焉恐此詩一傳天下風靡不敢奉詔帝曰朕試卿爾後帝爲詩一篇述古興亡既而嘆曰鍾子期死伯牙不復鼓琴朕此詩何所示耶敕褚遂良卽世南靈座焚之貞觀二十年秋帝幸靈州時破薛延陀回紇諸部遣使人貢乞置官司上爲詩序其事曰雪恥酬百王除凶報千古公卿請勒石於靈州從之

高宗

太平公主武后所生后愛之傾諸女帝擇薛紹尚之假萬年縣爲婚館門隘不能容驛車有司毀垣以入自與安門設燎相屬道側爲枯當時群臣劉禪之詩云夢梓尤青陞穠桃滿紫宮元萬頃云離元應春夕帝子降秋期任奉古云帝子升青陞王姬降紫宸郭正一云桂宮初服冕蘭掖早生笄皆納妃出降之意也

中宗

九月九日幸臨渭亭登高作云九日正乘秋三杯興已周泛桂迎露滿吹花向酒浮長房更早熟彭澤菊初收何藉龍沙上方得恣淹留時景龍三年也序云閨洛盈把既浮九醞之歡畢卓持螯須盡一生之興人題四韻同賦五言其最後成韻之引滿章安石得枚字云金風飄菊蕊玉露泣萸枝蘇瓊得暉字云恩深各效淺留醉奉宸願李嶠得歡字云今節三秋曉重陽九日歡蕭至忠得餘字云

寵極更房遍恩深菊耐餘資希玠得明字云九辰陪聖膳萬歲奉承明章嗣立得深字云願陪歡樂事長與歲時深李迥秀得風字云霽雲開曉日仙蕪麗秋風趙芳伯得花字云簪挂丹莢藥杯涵紫菊花楊廉得亭字云遠日瞰秦州重陽生滿亭亭義得淡字云爰豫囑秦桐并高臨漸溪盧藏用得開字云更依珮裏發菊向酒邊開李咸得直字云菊黃迎酒泛松翠凌霄直間朝隱得延字云簪紱趨皇極笙歌接御筵沈佺期得長字云臣歡重九慶日月奉天長薛稷得脣字云願陪九九辰長奉千千脣蘇頲得時字云年數登高日延齡命賞時李又得濃字云捧篋更香遍稱觴菊氣濃馬懷素得酒字云蘭將葉布席菊用香浮酒陸景初得臣字云登高識漢苑問道侍軒臣韋元旦得月字云雲物開千里天行乘九月李適得高字云禁苑秋光入宸遊霽色高鄭南金得日字云風起韻虞絃

雲開吐堯日子經野得樽字云桂筵羅玉組菊酌溢芳樽盧懷慎得還字云鶴似聞琴至人疑宴鑄還是宴也韋安石蘇環詩先成于經野盧懷慎最後成罰酒

十月帝誕辰內殿宴聯句潤色鴻業寄賢才帝云
叨居右弼魏鹽梅李適運籌帷幄荷時來宗楚客
職掌圖籍濫逢萊劉蕡兩司謬忝謝鍾裴崔湜禮樂銓管效塵埃鄭愔陳師振旅清九垓趙彥昭忻承顧問侍天杯李適銜恩獻壽栢梁臺蘇頲黃鸞青簡奉康哉盧藏用宗伯秩禮天地開薛稷帝歌難續仰昭回宋之問微臣捧日變寒灰遠懸班左愧遊陪上官婕妤帝謂侍臣曰今天下無事朝野多歡欲與卿等詞人時賦詩宴樂可議朕意不須惜醉大學士李嶠宗楚客等跪奏曰臣等多幸同遇昌期謬以不才策名文館思勵駑朽庶禪河嶽既陪天歡不敢不醉此後每遊別殿幸離宮駐蹕

芳苑鳴笳仙禁或戚里宸筵王門香席無不畢從
景龍四年正月五日御大明殿會吐蕃騎馬之戲
因重爲柏梁體聯句帝曰大明御宇臨萬方皇后
曰額慚內政翊陶唐長寧公主曰鸞鳴鳳舞向平
陽安樂公主曰秦樓魯館沐恩光太平公主曰無
心爲子輒求郎溫王重茂曰雄才七步謝陳王昭
容上官曰富熊讓筆愧前方吏部侍郎崔湜曰冉
司銓管恩何忘著作郎鄭愔曰文江學海思濟航
考功員外郎武平一曰萬邦考績臣所詳著作郎
閻朝隱曰著作不休出中腸時上疑御史大夫竇
從一將作大匠宗晉卿素不屬文未卽令績二人
因請許之從一曰權豪屏跡肅嚴雷晉卿曰鑄鼎
開嶽造明堂此外遺忘時吐蕃舍人明悉儼請令
授筆與之曰玉醴由來獻壽觴上大悅賜與衣服

玄宗

左丞相說右丞相璟太子少傅乾曜同上官命宴

東堂賜詩云赤帝收三傑黃軒舉二臣由來丞相
重分掌國之鈞我有握中璧雙飛席上珍子房推
要道仲子許風神復輟台衡老將爲調護人鸞鸞
同拜日車騎擁行塵樂聚南宮宴鶴連北斗醇俾
子成百揆垂拱問彝倫

開元十六年帝自擇廷臣爲諸州刺史許景先治
虢州源光祿鄭州寇泚宋州鄭溫琦邠州袁仁恭
杭州崔志廉襄州李丹期邢州鄭放定州蔣挺湖
州裴觀滄州崔成遂州凡十一人行詔宰相諸王
御史以上祖道洛濱盛具奉太常樂帛舫水幣命
高力士賜詩令題座右帝親書且給筆紙令自賦
齊綰三千遺之

帝詩云眷言思共理鑒寐想惟良尙歟此推擇聲
績著周行賢能旣俟進黎獻實佇康親人當如子
愛人亦如傷講學試誦論阡陌勸耕桑虛譽不可
飾清知不可忘求名跡易見安直德自彰獄訟必

以情教民貴有常恤憚且存老撫弱復綏強勉哉各祇命知子春萬方

德宗

貞元四年九月賜宴曲江亭帝爲詩序曰朕在位僅將十載實賴忠賢左右克致小康是以擇三令節錫茲宴賞俾大夫卿士得同歡洽也夫共其戚者同其休有其初者貴其終咨爾群僚順朕不厭樂而能節職思其憂戚若時則庶乎理矣因重賜之會聊示所懷詩云早衣對庭燎躬化勤意誠時此萬機暇適與佳節并曲池潔寒流芳菊含金英乾坤爽氣澄臺殿秋光清朝野慶年豐高會多歡聲永懷無荒戒艮事同期情因詔曰卿等重賜會宴朕想歡洽欣慰良多情發于中因製詩序令賜卿等一本可中書門下簡定文詞士三五十人應制同用清字明日內於延英門進來宰臣李泌等雖奉詔簡擇難於取舍由是百僚皆和上自考其

詩以劉太真及李紆等四人爲上等鮑防于邵等四人爲次等張濂殷亮等二十三人爲下等而李晟馬燧李泌三宰相之詩不加考第

韋綬以內相感心疾罷還第帝九日作黃菊歌顧左右曰安可不示韋綬遣使持往綬遂奉和附使進帝曰爲文不已益願養耶勅曰自今勿復爾

文宗

裴度拜中書令以疾未任朝謝上巳曲江賜宴群臣賦詩帝遣中使賜度詩曰注想待元老識君恨不早我家柱石衰憂來學丘禱仍賜御札曰朕詩集中欲得見卿唱和詩故令示此卿疾未差可他日進來御札及門而度薨

帝聽政暇博覽群書一日延英顧問宰相詩云呦呦鹿鳴食野之苹萃是何草時宰相楊珪楊嗣復陳夷行相顧未對珪曰臣按爾推萃是藟蕭上曰朕看毛詩疏葉圓而花白叢生野中似非藟蕭

又一日問辛臣古詩云輕衫襯跳脫跳脫是何物
宰臣未對上曰卽今之脫釧也眞詰言安妃有斷
栗金跳脫是臂飾

嘗吟杜甫曲江篇云江頭宮殿瑣千門細柳新蒲
爲誰綠乃知天寶以前樓臺之盛鄭注乃命神策
軍淘曲江昆明二池許公卿立亭館兩軍造紫雲
樓彩霞亭內出樓額賜之

宣宗

帝好進士及第每對朝臣問及苟有科名對者必
大喜便問所試詩賦題目并主司姓名或佳人物
偶不中第必歎惜移時嘗於內自題卿貢進士李
道龍白居易之死帝以詩弔之曰綴玉聯珠六十
年誰教冥路作詩仙浮雲不繫名居易造化無爲
字樂天童子解吟長恨曲胡兒能唱琵琶篇文章
已滿行人耳一度思卿一愴然帝製奉邊陲曲其
詞曰海岳咸通及帝垂拱而年號咸通焉庶子襄

惲進詩賀聖政有太康字帝怒曰太康失邦乃以
比我曰部韋渙奏云晉平吳寇改號太康雖有失
邦之言乃見歸美之文上曰天子大須博覽不然
幾錯惲罪

舊制盛春內殿賜宴三日帝妙音律每先裁製新
曲俾禁中女伶迭相教授至是出宮女數百分行
連袂而歌其曲有曰播皇猷者率高冠方履袞衣
博帶趨走俯仰皆合規矩于于然有唐堯之風焉
有曰慈女璫歌隊者率言慈嶺之上樂河湟故地
歸國復爲唐民也若霓裳曲者皆執節幡被羽服
態度凝碧飄飄然有翔雲舞鶴見左右如是數十
曲流傳民間出令儀澤
正陵遺事

昭宗

陝府唐昭宗有詩云安得有英雄迎歸大內中或
曰逍遙樓有太宗詩云昔乘匹馬去今驅萬乘來
志意不侔矣

武后

天授二年臘卿相欲詐稱花發請幸上苑有所謀也許之尋疑有異圖先遣使宣詔曰明朝遂上苑火急報春知花須連夜發莫待曉風吹於是凌晨名花布苑群臣咸服其異后託術以移唐祚此皆妖妄不足信也凡太后之詩文皆元萬頃所融筆爲之

萬歲通天元年鑄九鼎成置于東都明堂之庭后自製曳鼎歌令曳鼎者唱和開元二年太子賓客薛謙光獻東都九鼎銘其蔡州鼎銘武后所製文曰犧農首出軒昊應期唐虞繼踵湯禹乘時天下光宅域內雍熙上玄降靈方建隆基紫微令姚崇奏曰聖人啓運休兆必彰請宣付史館

明皇御名
已見前此

徐賢妃

貞觀二十三年上疏諫太宗息兵罷役其略曰大業者易騎願陛下難之善始者難終願陛下易之

又曰漆器非延叛之方築造之而人叛玉杯豈招亡之術紂用之而國亡侈麗之源不可不過作法於儉猶恐其奢作法於奢何以制後

上官昭容

張說作昭容文集序云古者有女史記功書過有女尚書決事宮闈昭容兩朝專美一日萬幾顧問不遺應接如響雖漢稱班婕妤晉譽左嬪文章之道不殊輔佐之功則異迹秘九天之上身沒重泉之下嘉猷令範代罕得聞庶嬖後學嗚呼可仰然則大君據四海之圖懸百靈之命喜則九閭挾纊怒則千里流血靜則黔黎又安動則蒼生罷聳入耳之語諒其難乎貴而勢大者疑賤而體絕者隔近而言輕者忽遠而意忠者忤惟窈窕未受誇掖善心忘味九德之衝傾情六藝之圃故登良巡海之意綏剪胡川越之威息瘳室珍服之德消從禽嗜樂之端廢獨使溫柔之教漸於生人風雅之聲流